

馮氏宗族源流

按馮氏乃祝融氏之後，祝融氏沃土荆沅人軒轅氏讓位乃治都於郇今汾州死葬於衡山之陽至神農同母弟名勗，其至九傳，啓昆生黃帝名伯荼，長於姬水之上，更姓爲姬。又至帝嚳元妃姜嫄有郃氏，女生后稷，助禹治水，教民稼穡有功，封於郃，賜姓姬，配姑氏，生台璽，璽生叔均，均生不窋是時夏國廢稷官不復農務既失官奔戎狄居之太康失號北幽慶州弘化縣南三里有不窋城窋生鞠陶，陶生公劉復修先業務耕稼徙漆縣後改幽州新平縣自漆水渡渭水至南山居之劉生慶節，節生皇僕，僕生差弗，弗生毀踰，踰生公非，非生高圉皆能修祖業之道幽人效化圉生亞圉字雲都亞生公叔祖類字叔類號太公類生古公亶父大修后稷公劉之業渡漆沮踰梁山居於岐山之下遂號周國父生周公季歷，歷生昌辛未受命爲西伯追尊爲文王。

馮氏本姬姓，周文王十五子畢公高之後，有畢萬者，食采馮城（馮旁加邑），後人去其邑旁因以爲氏。其族顯於上黨，盛於始平。

粵之有馮氏，自宋元嘉十三年始。（公元 436 年）

初世祖諱業，北燕王諱宏，字文通之子也。初文通之兄跋，本出長樂信都，爲中原望族。跋父安，事慕容永爲將。慕容永滅亡後，安東徙昌黎。其子跋事慕容熙及高雲。雲爲左右所殺。跋自立爲燕王，置百官，號年太平。跋卒。文通繼立。爲魏所伐。太延二年，奔高麗，入和龍城處，尋徙北豐。高麗王奪其侍人，取其太子王仁爲人質。文通忿之，謀南奔宋。使其子業將三百人浮海而南，因居廣州爲羅州刺史，傳十餘世，子孫各自分居，置田立藉數百餘戶，各祖爲世而起焉。

按羅州即今高州府石城化州也。長樂信都，古東陽地，漢初改信都，後改廣川，東漢改冀州，今屬直隸正定府。

二世祖諱誼，字士翮，爲羅州刺史。

三世祖諱融，爲羅州刺史。廣東志載“爲禮儀威信鎮其俗，汲引文士相與爲詩歌，蠻中化之”，蕉荔之鄉，絃誦日聞。行步所至，蠻酋必焚香具樂，望旌拜迎。咸相戒曰：馮都老來矣，毋爲不善，以嬰罪戮。自是溪峒之間，樂樵蘇而不被鋒鏑者數十年。初公之蒞政也，雖三世爲守牧，然他鄉旅，號令不行。乃爲其子高涼太守諱寶，婚於大郡冼族。俚人始相率受約束。公所以結人心者，婚冼氏之力也。公既卒，郡人思其德，共祀立墓在新會銅山之旁，土名飛鵝山。石塚石牛今則沒矣。事載鄉賢傳及郡志。

馮氏宗族源流

按 都老俗言官宦也。高涼即今高州府。

四世祖諱寶，陳高涼太守，贈譙國公，配冼氏夫人。夫人之族，高涼巨姓也，世爲南粵首領。部落十餘萬家。夫人幼賢明，在父母家撫循部眾，能行軍用師，壓服諸越。每勸宗族爲善。由是信義結於本鄉。越人俗好攻擊，夫人兄南涼州刺史挺，恃其富強，侵略旁郡。嶺表苦之。夫人多所規諫。由是有隙止息。海南儋耳歸附者千餘峒。及歸公，戒約本宗使從百姓禮，每與 公參決詞訟。首領有犯法者，雖是親族，無所縱捨。自是政令有序，人莫敢違。 陳永定二年，戊寅十二月，(公元 558 年)，寶公卒。墓葬高涼懷德鄉十五里鳳凰山。冼太夫人高年巡視州郡，辛勞過度病逝，終年八十四歲。(公元 602 年)謚 誠敬夫人。今高州各屬皆立廟（冼太廟）祀之。墓在電白縣。

五世祖諱僕，號惟乙，隋越中郎將軍，贈崖州總管平原郡， 公配白氏夫人，何氏夫人。 公與何氏夫人合葬於新會古岡，土名牛欄逕，萬軍拜將之形。 白氏夫人葬於高明三州墟，係南海主簿屬潮田圍內。土名西岸鳳冠山。

六世祖諱盎，字明達，隋仁壽初爲宋康令。潮成等五州獠反。 公馳至京師請討之。帝詔左僕射楊素與論賊形勢。素奇之曰：不意蠻夷中乃生是人。即詔 公發江嶺兵擊賊，平之。拜漢陽太守。從煬帝伐遼東。遷左衛大將軍。隋亡奔還嶺表。嘯署酋領，有眾五萬。番禺新興名賊高法澄冼寶徹等授杜士宏節度殺官吏。 公率兵破之。寶徹兄子曰知臣復聚兵拒戰。 公進討兵始合。輒釋胄大呼曰：若等識我耶？眾委戈袒而拜。賊遂潰。擒寶徹知臣等。遂有番禺蒼梧朱崖地。自號總管。或說公曰隋季崩蕩，海內震騷，唐雖應運而風教未孚，嶺粵無所係屬。 公克平二十州，地數千里，名位未正，請上南越王號。 公曰：吾居越五世，牧伯惟我一姓，子女玉帛吾有也，人生富貴如我希矣。常恐忝先業，尙自王哉？武德五年，始以其地降高祖。析爲高羅白崖擔林振八州。授 公上柱國高州總管。封越國公。拜 公子諱智戴爲春州刺史。諱智式爲東合州刺史。 公徙封耿。貞觀初，或告公叛。公舉兵拒境。太宗詔右武衛將軍藺謨發江淮甲卒將討之。魏徵諫曰：盎不反未定時略州縣遙遠。而今四海已平，何事反未狀？當懷之以德，盎懼必自來。帝乃遣散騎常侍衛叔諧喻公。 公遣子智戴入侍。帝曰：徵一言賢於十萬眾。時謨兵已出，欲遂有功，遣將上 公可擊狀。帝不許。罷之。五年， 公入朝，宴賜甚厚。俄而羅竇諸峒獠叛。詔 公率眾二萬爲諸軍先鋒。賊據險不可攻。 公持拏語左右曰：矢盡勝負可知矣。發七矢斃七人。賊退走。 公乘之。斬首千餘級。帝詔智戴還。慰省賞予不可計。奴婢五千餘人。 公善爲治閩部，最摘奸，伏得民歡心。卒贈左騎衛大將軍荊州都督。子三十六人，而智戴公最知名。

春州即今肇慶府陽春縣。東合州即今廉州府合浦縣。

馮氏宗族源流

七世祖諱智戴。勇而謀，能撫眾，得士死力，酋帥皆樂屬之。嘗隨父至洛陽，統本部銳兵宿衛。煬帝弑。引其下逃歸。時盜賊多，嶺嶠路絕。公轉戰而前。至高涼。俚師脅為謀主。會父明達公至，乃得與俱去。後入朝，帝賜勞加等授衛尉少卿。聞其善兵。指雲問曰：下有賊，今可擊乎？對曰雲狀如樹，方辰在金，金利木，柔擊之勝。帝奇其對。累遷左武衛將軍。卒贈洪州都督。

弟諱智式亦為羅州刺史

諱嗣宋王府記室參軍贈禮部員外郎

八世祖諱子華，南昌令，新安郡長史。贈尚書左僕射。事親至孝。親死。廬墓有靈芝白兔之異。人稱為孝子。馮家宿、定，從子審、寬，並有文名。擢進士。

九世祖諱宿字拱之唐貞元進士辟張建封掌書記建封卒李師古將乘喪襲取故地王武進擁兵觀釁公以書說曰張與公約為兄弟欲共力驅兩河歸天子今張公不幸幼兒為兵所脅內則誠隔絕外則強寇侵逼公安得坐視哉誠能建議奏請不妄舊勳赦愆之舉使束身自歸則公於靖亂繼絕兩得之武俊悅即以表聞朝廷授愆節越并建封贈諡公以不樂佐愆更從浙東賈全觀察府愆憾其去奏貶泉州司戶召為太常博士復議王士真世有勳不可因子承宗故遺之亦得佳諡久之遷都官員外郎裴度表為彰義軍節度叛官淮西平歷考兵部二郎中進知制誥中元翼被圍命總山南東道留務還朝進中書舍人轉太常少卿導引敬宗登極徙左散騎常侍兼集賢院學士太和二年與賈餗龐嚴俱充考制策官頃之拜河南尹洛苑使姚文壽縱部曲侵奪民田即撈殺之歷工刑兵三部侍郎修格後敕三十篇行於時累擢檢校禮部尚書東川節度使封長樂縣公在鎮完城增械分其餘賜黔巫道涪水數壞民廬修利防庸一方便之卒年七十贈吏部尚書諡曰懿

弟諱定字介夫偉儀觀與兄齊名人方漢之二馮始授校書郎辟浙西薛平府尋為鄆尉充賢良校理以居父喪號毀數移疾大學士疑其簡怠奪授大理評事改太常博士遷祠部員外郎出為郢州刺史坐遊宴不節免官尋起為國子司業遷太常少卿文宗鄙鄭衛聲詔習霓裳羽衣舞參以雲韶公部諸樂士肄於庭常見其立縣間端凝若植異之問學士等李曰豈非能古章句者耶乃誦其送客西江詩召升殿賜以瑞錦令悉所著以上遷諫議大夫知事仇士良因訓注敗請以神策杖衛殿門人情危懼公力爭罷之尋以延英召對宰相不悅其請許左右史從記所言改太子詹事時鄭覃兼太子太師上曰欲會尚書省公據禮當集詹事府詔可論者多其正換衛尉卿至散騎常侍致仕卒贈工部尚書諡曰節公生平名播遠裔源寂使新羅見國人傳其黑水碑畫鶴記韋休符使西番又見寫其商山記於屏四子袞顯軒巖皆登進士咸通中歷任臺省

馮氏宗族源流

從弟諱審字退思歷監察御史兵部郎中開成中爲諫議大夫拜桂管觀察使陞國子祭酒終秘書監

從弟諱寬終起居侍郎 其孫分居高涼電白陽春陽江新興

十世祖諱圖字昌之連中進士宏詞大中時終戶部侍郎判度史

從弟諱誠字宗之乾符初歷京兆河南尹

十一世祖諱禧仕南漢官廣州 居鶴山河村

十二世祖諱綦仕南漢食祿廣平

十三世祖諱觀保食祿廣平

十四世祖諱邴爲保章正食祿廣平以子元貴贈翰林學士墓在本邑金利司河村

十五世祖諱元字道宗幼嗜學從孫奭受五經大義又友崔頤正爲詞章 有思致不忘交惟樂安孫質吳陸參譙夏侯圭相善號四友登大中祥符元年進士授江陰尉詔留內銓取明經者補學官公自薦通五經諫議大夫謝泌領銓事與語奇之即日聞上授國子監直講由是名震京師擢大理評事遷崇文院檢討王旦聞其名常令說論語老子群弟子侍聽以其淹粹亮恪深加禮重因薦之真宗試進士殿中召公講易進說曰地天爲泰以天地之氣交也君道至尊臣道至卑惟上下相與則可以輔相天地裁成萬物要之一誠之感而已帝悅賜五品服遷太子中元直講龍圖閣詔預內朝數召講易於宣和門盡上下經帝稱公誦說通而不泥言外自有餘趣非專門一經士也天禧元年假節使契丹歷太子諭德數獻歌頌兩宮褒禮賜予甚渥仁宗時又直學士兼侍講與孫奭以經術並進師生同升天聖元年判國子監故事國子監多宿儒共領及奭 命士議悅服五年同知貢舉進龍圖閣學士預修三朝正史又爲翰林學士尋以圖書成進諫議大夫充史館修撰後因監護李宸妃葬事坐不職出知河陽王曾爲上言元東朝舊臣不宜以細故棄外上悟即日馳詔改禮部侍郎兼翰林院侍講學士獻金華五箴上納其戒賜書褒答又領修樂書書成賜名廣樂記特選戶部侍郎賞其勞四年夏卒年六十有三賜賻錢三十萬贈本部尚書諡章靖 公性簡厚終日無戲言惰色日與門生對坐誦孝經尤精易改大樂鐘石以合於律上謂樂律胥失微元莫正其謬嘗預註真宗集同修鹵簿記校後漢志輯孟子及律義疏分撰國朝會要歿後 其遺文數百篇詩百餘章宋祁稱其精緻平粹類其爲人敦厚配南海周御史克明之女無子以兄子諱爲後

十六世祖諱諱蔭授衛尉寺丞生二子長大郎次二郎

十七世祖諱大郎將作監主簿生二子長元英次元雄

十七世祖諱二郎將作監主簿生二子長元明次元相

馮氏宗族源流

十八世祖諱元英生四子長諱畿居沙園次諱輔居端州三諱誼居端州其子諱清居蓮塘里四諱喬翰林秘授

十八世祖諱元雄生三子長槐次概三機

十八世祖諱元明生三子長魁次榮三顯

十八世祖諱元相生三子長爵次祿三諫

十九世祖諱槐字樹德號佐臺配林氏生五子長錦次銓三鏡四錡五翼

十九世祖諱概字植德號佑臺居岡州越塘瓦

十九世祖諱機字潛德號粵嶺居廣城生三子長文統居田心又名登岸次文寬居高村皆屬南海縣神安司大通堡三文遠居廣城有云粵嶺

祖晚年偕三子文遠公往廣西開族

十九世祖諱魁字善長號從龍生二子居古勞

十九世祖諱榮字善俊號應東生二子居前江

十九世祖諱顯字善牧號從周生三子居羅江

十九世祖諱爵字善德居東莞

十九世祖諱祿字善伯居番禺

十九世祖諱諫字善夫居南海黃鼎大江

二十世祖諱錦字南秀居福星里

二十世祖諱銓字南達淳祐三年破關有功封朝列大夫居鶴山

二十世祖諱鏡字南明居南海沙涌

二十世祖諱錡字南鎮居南海

二十世祖諱翼字廷弼山西御史居順德